

## Universitätsbibliothek Paderborn

### Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Prima Pars Et Prima Secundæ Divi Thomæ Complectvntvr -  
Qvæstiones Insvper Ad Mores & praxim spectantes, quæ peculiarem cum  
Scholasticis habent connexionem, declarantur

**Carleton, Thomas Compton**

**Leodii, 1659**

Sect. VI. Aliæ impugnationes sententiæ actum Dei liberum statuentis  
partim in aliquo extrinseco.

**urn:nbn:de:hbz:466:1-13718**

nales, & unam propter aliam: in hoc casu nulla esse posset revelatio, diversus nihilominus foret actus, quo unam ex hisce creaturis vellet propter aliam, & quo utramque vellet disparate, & independenter à se invicem. Nihil ergo ad horum actuum distinctionem facit revelatio.

## SECTIO QUINTA.

*Peculiaris modus, quo nonnulli defendunt actum liberum Dei constitui per aliquid extrinsecum.*

I.  
*Adhuc liberorum diversitatem refundunt aliqui in diversis actionibus.*

**P**ATER Arrubal l. p. Disp. 58. & P. Herice hic, Disp. 17. cap. 2. totam hanc diversitatem refundi debere aint in diversas actiones, per quas res singulae producuntur: unde quandocunque Deus unum vult propter aliud, aut rem eandem ob diversum finem, vel motivum, semper inquunt variatur actio, per quam res est producenda, ita ut hoc nomine relueat diversitas in actione, & non solum ex diversitate agentis vel termini.

II.  
*Incredibile est solam diversitatem intentionis, tantam facere in aliis actionibus varietatem.*

Contra primò: Nam praterquam quod incredibile videatur, muscam, vel rem aliam quamcumque naturalem, esse tot, immo infinitis diversis actionibus ab eodem agente (Deo) producibilem, merè ob diversam intentionem, quam habere potest circa fines diversos, aut motiva, ita ut actio qua res naturalis producitur, sit supernaturalis, si Deus rem illam producere velit ob finem supernaturalem, naturalis si ob finem naturalem. Item quod pluvia, una actione producatur, si merè ex causis naturalibus, nullius rogatu aut orationibus contingat, alia si ob hujus vel illius preces accidat, una si Deus ad secundan-dam, alia si ad submergendam terram, alia denique si ad hunc vel illum pium motum in hominum mentibus excitandum, illam producat: & alia hujusmodi infinita.

III.  
*Diversitas actionum nullo modo facit ad difficultatem circa actum Dei liberum solutionem.*

Præterquam ergo quod hoc admodum sit difficile, immo incredibile, manet nihilominus tota difficultas, ad cuius solutionem hic procedendi modus est excogitus: dicunt namque hi autores actiones halice sumere suam specificationem ab intentione, sicut communis sententia eas dicit illam sumere ab agente & termino: sicut ergo ut actio hanc diversitatem & specificationem sumat ab agente & termino, distingui debent ab actione, & eadem in iis relucere diversitas, quæ reluet in actione, ita in praesenti, si actio specificationem & diversitatem sumat ab intentione, dari debent variae intentiones à se invicem distinctæ, quas actiones istæ respiciant, & per ordinem ad quas specificationem suam, & diversitatem accipiunt: sed ha intentiones sunt actus liberi, ergo dantur variae intentiones & actus liberi distincti ab actionibus.

IV.  
*Quidam heterogeneitatem voluntatis, in Deo constitutam, à quibus actiones distinguuntur.*

Illa ergo intentiones, ut distinctæ ab actionibus, & per quarum varietatem variatur actio, querimus quid sint, & quomodo nunc sint in Deo, cùm potuerint in eo non esse. Unde P. Herice citatus, num. 19. vi difficultatis coactus, varias tandem in Deo voluntates statuere videtur, tanquam principia formalia harum actionum, & quandam in eo quasi heterogeneitatem, vel formalem vel virtualem. Quando ergo, inquit, aliquid ob hunc finem intendit, prodit in exercitu principium formale hujus actionis, ceteris, ut

ait, in quadam otio remanentibus: & sic de aliis.

Contra secundò: Potest Deus unam aliquam actionem particularē, nunc ex hoc fine & motivo velle, nunc ex alio; quis enim hoc Deo negaverit, nisi petendo principium, maximè cùm id possit Angelus: ibi ergo diversitas voluntatis constituit nequit per actionem.

Contra tertio: Potest Deus rem aliquam ex hoc vel illo motivo nolle, immo etiam nolle ullam omnino rem producere; nolito autem non est minus actus liber, quam volitus: in hoc ergo causa actus liber non constitueretur per actionem, cùm nulla hic foret actio. Respondebat Herice Disp. 17. cap. 2. num. 21. in his casibus eandem esse debere in negationibus varietatem, quæ est in actionibus, ita ut nolle rem aliquam ex hoc fine vel motivo, diversam arguat negationem, quæ peculiariter finem illum aut motivum respiciat. Sed hic difficultates omnes suprà posita recurrent; immo tales ponere in negationibus connotaciones, longè magis mirum videtur, quam eas ponere in actionibus. Plura hac de re sequente, præsertim numero tertio.

## SECTIO SEXTA.

*Alici impugnationes sententiae actum Dei liberum statuens partim in aliquo extrinseco.*

**I**M PUGNATUR ulterius sententia, actum Dei liberum statuens partim in aliquo extrinseco. Effectus omnis creatus, liberè est à Deo volitus, dari ergo debet aliquid antecedens, per quod denominetur liberè volitus, dependenter scilicet à volitione aliquâ libera, à quâ denominationem illam accipiat, ergo antecedenter ad futuritionem rei est aliquid liberum, quod hunc ei effectum formalem extrinsecum tribuat. Confirmatur: decretum Dei ut liberum est causa rerum, & ad illud positum sequitur creaturam quamcumque esse futuram, nec dici potest Deus volens formaliter aut decernens per aliquid extrinsecum, tum quia hoc non est vitale, nec volitus, ut postea latius, tum quia, ut dixi, est in posteriori signo ad decretem, seu voluntatem Dei liberam, quæ rei illi est causa futuritionis. Quod etiam argumentum probat de actione.

Dices: voluntas nostra non se determinat ad volendum antecedenter ad actionem, seu volitionem, sed formaliter per ipsam, aliqui dabunt processus in infinitum, ergo etiam divina voluntas determinari similiter potest ad volendum per actionem creatam. Negatur tamen consequentia: tum quia voluntas nostra non est causa operationis sua ut volens, sicut divina ut volens est causa omnis rei creata: tum quia actio produtiva ad extra, ignis exempli gratia vel aquæ, non est volitus, sicut est actus voluntatis creata, ergo hic voluntati creatae tribuere potest denominationem voluntis, non tamen illa voluntati increatae.

Tandem, contrà sententiam sectione præcedente positam, quæ asserit actiones physicas specificari ab intentione agentis, eamque essentialiter respicere, & ab illâ sumere diversitatem: contrà hoc, inquam, est; sequeretur namque Angelos, quos Deus creavit cum intentione illos perpetu

*Actus Dei liber non est partim extrinsecus.* Sect. VI. 195

petuo conservandi, habero ex vi sua productio-  
nis physice, quod destrui non possunt, nec divi-  
nitus. Sequitur etiam animam quam Deus pro-  
ducet ex intentione eam salvandi, gratia ornati-  
onis, & ad eum finem ut virtutem exercet &c.  
habero ex beneficio creationis aliquid, non con-  
ducens tantum, sed antecedenter necessitatis ad  
gratiam, gloriam, & exercitium virtutis: quod in hoc postremo non videtur stare posse cum li-  
bertate.

Talis actio  
pollere vide-  
tur liberta-  
tem.

**IV.** Tertia impugnatio sententiae actum Dei liberum partim in aliquo extrinseco statutis, est: volitio siquidem libera, qua talis, esse debet vitalis, & consequenter adequate intrinseca & immanens, ergo ne partialiter quidem constitui potest per effectum vel actionem externam: sicut enim compositum illud non est substantiale, cujus una pars non est substantia, ita illud compositum non erit vitale & immanens, cujus altera pars non est vitalis, nec immanens. Antecedens vero, quod scilicet volitio libera qua talis, esse debeat vitalis, probatur: volitio enim libera ut libera, est exercitium potentiae vitalis, quia quis vult vitaliter in actu secundo, ergo debet esse exercitium vitalis in actu secundo: sicut enim potentia vitalis ut sic petit in genere perfectionem suam habere ab intrinseco, ita talis potentia vitalis, nempe libera, talem perfectionem petet habere ab intrinseco, liberam scilicet, ac fibi proportionatam, ergo id, per quod exercet libertatem in actu secundo, nequit esse quid extrinsecum.

V. Confirmatur : ponamus Deum aliquid producere ab æterno , Angelum exempli gratia vel solem , tunc idem realiter in hac sententiâ est velle & agere , est enim complexum ex entitate Dei intrinsecâ & effectu illo extrinseco : sed Deus in illo calu esset secundum hos autores realiter agens extrinsecè ; ergo & extrinseco volens , quod implicant . Hoc argumentum urget etiam de quo- cunque instante , quo Deus in tempore rem ullam producit .

**VI.** product.

*Idem in alia liberò Dei sunt tendentia & terminatio.*

Dices : tendentia in hoc casu est vitalis & intinseca, licet terminatio non sit. Contra primò : tendentia & terminatio idem sunt, Deum quippe liberè intentionaliter tendere in objectum, seu effectum, est liberè ad illum terminari. Contra secundò : per tendentiam Dei ad effectum redditur effectus futurus : quero enim, unde prove-niat effectum aliquem esse futurum ? non à se : ne enim rebus secundum se spectatis, quidquam habent per quod determinantur ad esse magis, quam ad non esse, nec cur haec res potius futura sit, quam illa : neque etiam hoc habet à voluntate Dei necessaria ; si etenim voluntas necessaria sit causa cur res sint future , cùm causa sit necessaria, effectus similiter erunt futuri necessariò , effectus enim hac in parte semper sequitur naturam cause.

VII. Deinde, quicquid est in voluntate antecedens futuritionem rerum (stando in principiis hujus sententiae) est ad summum complacentia in eam rem possit, seu praedicitis essentialibus; sed hoc vel est aequalis de omnibus, vel etiam major erga res multas non futuras, quam erga futuras; ergo nequit esse causa, cur haec potius future sint, quam illae; præsertim cum stare potuisse hac complacentia cum negatione omnium, sicut ex vi illius nulla omnino reddi res futura. Quicquid ergo est in Deo antecedens futuritionem rerum, non magis est voluntio carum quam nolitio,

nec efficax magis respectu mundi creandi quam non creandi : nisi ergo aliquid aliud ponatur antecedens , prater voluntatem Dei necessariam , res nunquam erunt futuræ.

Dices secundò : sicut hic paries , posito altero  
paricte , jam est illi similis , cùm antea non esset  
similis , ita posito effectu , jam potest Deus tran-  
ferre de non volente liberè ad liberè volentem .  
Contrà primò : ut enim unus paries sit similis al-  
teri , nihil aliud requiritur , quam ut uterque exi-  
stat disparate , nullaque inter eos est necessaria  
subordinatio . Secùs res se habet in actu libero :  
cùm enim rès omnes sint effectus Dei liberè de-  
cermentis eas producere , volitio ejus libera est  
aliquid illarum futuritionem naturā antecedens ,  
ut pote earum causa , & à qua habent , quòd sint  
futura .

Tandem in hac sententia inquirō circa scientiam Dei liberam (cadem enim est de scientia & voluntate difficultas) quid in Deo ponant hi autores, quod in eo non posuerunt Ethnici illi, Cicero exempli gratia & alii negantes Deum habere scientiam liberam, seu futurorum contingentium, & hoc nomine à Patribus reprehenduntur: admittebant enim ipsi res in tempore contingenter produci, id enim varius mundi cursus, perpetuaque rerum vicissitudo aperte demonstrabat: admittebant etiam in Deo scientiam necessariam, sed hoc, & nihil aliud in Deo statuit hæc sententia, ergo in re nihil amplius in Deo ponunt, qui hanc sententiam sequuntur, quam ponebant illi, qui tamen à Patribus non censentur pône fatis in Deo ad scientiam liberam, seu objectorum contingentium, & ad terminationem illam ad res futuras, ergo Patres aliquam aliam in Deo terminationem ad hæc requirunt, per quam denominetur cognoscens futura.

Quarto impugnatur sententia volitionem Dei liberan statuens partialiter in aliquo extrinseco : multe namque sunt volitiones divinae, in quibus non videtur assignari posse diversitas ex parte objecti. Et (ut omittam actus in primâ hujus sententia impugnatione positos) in primis actus condonandi peccatum extrinsecè, nullam in rebus creatis mutationem involvit. Dicunt aliqui involvere revelationem, vel ipsis cui condonatur peccatum, vel alteri factam. Sed contra : aliud est condonatio peccati, aliud illius revelatio, ut suprà dixi in simili. Deinde, revelat Deus se condonare peccatum, ergo condonatio illa est objectum hujus revelationis, ergo revelatio non est condonatio, nec enim habet sc pro objecto. Videatur sectio quarta, num. 6. 7. & 8. Ubi plura in hanc rem ex aliâ occasione sunt dicta.

Volunt alli hunc actum dicere remissionem  
peccata. Sed contraria: aliud quippe est remittere  
peccatum, seu nolle punire, aliud condonare peccatum:  
Deus enim de facto non vult punire  
demones, & animas damnatorum ab peccata in  
inferno commissa, & tamen non propter ea iis peccata  
illa remittit, ut Theologi omnes affirmant.  
Ulterius, sicut potest Deus condonare peccatum,  
seu nolle punire, & non condonare peccatum,  
ita econtra non apparet, cur condonare nequeat peccatum, non remisit peccatum.

Quæ magis adhuc declarantur in peccato veniali, Deus quippe sapienter in hac vita remittere videtur peccatum veniale, nullà parte penas remittens. Quod clarissimum multò de iis peccatis venialibus constat, cum quibus iusti decedunt, & in sequente tantum vita tolluntur; ergo etiam in

## VIII.

IX.

*enditur  
ntiam li-  
am Dei  
posse esse  
d partim  
xtrinse-  
n.*

Auctores  
sa nega-  
n Deo  
tentur  
William  
ram.

X.  
varii  
volu  
us aff  
s neq  
versum  
parle  
i

XL

*us cōdō  
ionis pec-  
non cons-  
tiforma-  
' in re-  
tione pā-*

XII.

# TOMVS L 196 Disp.XXXVI. De actu libero Dei. Sect. VII.

*Anima in  
purgatorio  
punitur,  
remisa est  
p.*

peccato mortali remitti posset culpa, & tamen poena nullà ex parte remitti: non quòd tunc maneat illa macula, seu reatus intrinsecus ad peccatum, sed justissimè vult eum Deus punire ob culparum & reatum, non qui est, sed qui fuit. Unde Scriptura & Patres docent animas in Purgatorio & in inferno puniri propriè ob peccata, licet animabus in purgatorio peccata omnia primo instantie separationis à corpore sunt remissa: animabus autem damnatorum multa peccata mortalia in hac vitâ sèpe sunt remista, quorum nihil minus postea poenam luunt in inferno, licet pars poenæ huerit cum culpâ remisâ.

XIII.  
*Argumentū  
de relaxa-  
tione voti  
Gjuratāti.*

Idem est de relaxatione voti, juramenti &c. item de exhibitione concursus indifferentis, & similibus, quæ in hac sententiâ de actu Dei libero constituto partim per aliquid extrinsecum, vel non omnino, vel non nisi difficillimè intelliguntur. Alia multa contrà hanc sententiam affiri possent argumenta, & à quibusdam sine fine congeruntur, sed huc ad eam refellendam abundè sufficiunt.

## SECTIO SEPTIMA.

### Vera opinio de actu libero Dei.

I.  
*Dificultas  
hic repri-  
tur, in quo  
mens acqui-  
scat.*

**E**X hac tenus dictis constat, quâm difficile sit aliiquid hac in re invenire, in quo mens acquiescat, mò quâm lubrica sint omnia, nihilque in quo firmiter quis figere pedem queat.

II.  
*Habendo  
pra oculi  
verba qua-  
dam S. An-  
selmi.*

Prius ergo quâm ultimam sententiam proponam (quæ licet difficultate etiam non caret, hanc tamen si quis cum aliqua probabilitate explicuerit, reliqua redduntur capti non ita difficultia) notanda qu'edam S. Anselmi verba lib. de Incarnatione c. 6. Ubi de mysterio Trinitatis, huic in difficultate affini loquens, si habet: *Si negat tria dici de uno posse, sicut nos in his tribus Personis, & uno Deo fatemur. quoniam hoc in aliis rebus non videt, neque in Deo intelligere valeat, sifistinat paulisper aliquid, quod ejus intellectus penetrare non posse, in Deo esse: nec comparat naturam, que super omnia est libera ab omni lege & loci, & temporis, & compositionis, rebus aliis, & credat aliquid in ea esse, quod in aliis esse nequeat.* Hoc ille: quia eo adduxi, ne quis illam in hac difficultate enodandâ claritatem expectet, quia in aliis sperari posset.

III.  
*Probabilis  
est actum li-  
berum esse  
Deo adequa-  
tè intrin-  
secum.*

Mihi itaque probabilius videtur actum Dei liberum esse quid ei adequate intrinsecum: ita Suarez Disp. 30. metap. sect. 9 & 1. p. lib. 1. de sententiâ Prædestinationis, cap. 15. & alibi frp: Albertinus in sexto principio, corollario secundo: *Tanerius 1. p. d. 2. q. 10. dub. 4. & ex recentioribus non pauci: videtur quæ esse mens Doctoris subtilis;* unde Smifingus hanc sententiam tanquam à Scoti traditam defendit.

IV.  
*Declaratur  
sententia  
statuens a-  
etum liberū  
Deo intrin-  
secum.*

Ässet itaque hæc sententia, ipsam indivisibilēm & simplicissimam Dei entitatem, ratione infinita perfectionis quam habet, posse per se immediatè, nullo alio superaddito praestare, quicquid intellectus noster & voluntas prstant per actus realiter distinctos, seclusis imperfectionibus multiplicatis, distinctionis, mutationis, &c. hæc siquidem non procedunt ex conceptu libertatis ut sic, sed ex limitatione potentiae creatæ. Voluntas quippe seu volitio divina, ob infinitam illam perfectionem quam habet, licet omnino necessaria in essendo, est tamen libera in amando,

seu denominando. Unde eadem indivisibilis manens potest per eminentiam quandam extensionem, vel virtualem determinationem liberè se ad hoc objectum flectere, licet eadem omnino persistens potuisse non ad hoc, sed ad aliud se liberè determinare: eo fere modo, ac si albedo per se & sine ullo superaddito esset indifferens ad informandum, vel non informandum parietem. Hoc autem reperitur in volitione divinâ, utpote qua infinita, non in genere tantum entis est, sed volitionis.

Fundamentum autem cur hoc de divinâ voluntate affirmem, est primò, quòd maximam arguat perfectionem, sitque modus volendi Deo dignissimus, nec ulli, nisi naturæ infinite perfectionis communicabilis. Deinde, salvat propriam rationem actus vitalis, non minus autem perfectè vitalis esse debet actus liber voluntis divina, quâm nosfer. Cum ergo sit vitalis in actu secundo, id per quod constituitur talis, esse debet aliquid extrinsecum.

Tertiò hoc ostenditur: res quippe omnes, ut suprà diximus, sunt futuræ dependenter à voluntate Dei liberâ, qua tali; sicque antecedenter ad illarum futuritionem dari debet actus liber, seu volitio libera constituta. Sicut in creatis, quia volitio est causa motus manus aut pedis, necessariò esse debet prior motu, & nullo modo potest per eum constitui: antecedens, quòd scilicet res omnes sint futuræ dependenter à voluntate liberâ Dei, præter dicta sectione præcedente, probatur: Scriptura quippe & Patres ita clare affirmant voluntatem lib. ram Dei esse causam rerum omnium, ut sine manifestâ vi iis illatâ negari non possit: sic Psal. 113. v. 3. de Deo ait Prophet: *Omnia quecumque voluit, fecit.* Apostolus etiam ad Ephesios 1. v. 12. *Qui operatur omnia secundum consilium voluntatis sue.* Item Joannis 3. v. 17. *Sic Deus dilexit mundum, ut filium suum unigenitum daret.* Deinde Sap. 11. v. 27. *Quomodo posset aliquid permanere, nisi tu voluisses.* Quæ & alia in Scripturis passim reperta, clare ostendunt, voluntatem Dei non constitui per res externas, sed eas tanquam causam antecedere.

Nihil etiam apud Patres frequentius, quâm Deum velle, intendere, desiderare multa, caque ex hac Dei intentione, desiderio & affectu procedere. Hoc modo, ut plurimos omittam, loquitur S. Anselmus: & S. Chrysostomus Homil. 1. in Epist. ad Ephesios hanc ratione exponit verba illa Apostoli 1. ad Tim. 2. *Deus vult omnes homines salvos fieri:* ergo juxta Patres, res ipsa futura non ingreditur voluntatem liberam Dei, sed hæc ejus futuritionem tanquam illius causa antecedenter. Quare S. Thomas hic, q. 19. a. 4. ad 4. ait voluntatem Dei esse causam rerum, *ut est impervans*, ut talis autem constitui nequit per aliquid extrinsecum: & addit, ita voluntatem Dei esse causam futuritionis rerum, *sicut scientia est causa earum ut dirigens*, quod autem ad alicujus effectuonem dirigit, illud antecedat necesse est.

Quartò hæc sententia probatur ex aliarum impugnatione, præsertim quartæ, quæ nullo modo pro dignitate salvat Dei in volendo libertatem, multoque minus explicat quo pacto sit antecedenter ad rem quam causa: & licet, cum effectus vel actio sit indifferens ad existendum & non existendum, utenque salverur qua ratione Deus liberè agat extrinsecè, non tamen qua ratione liberè velit; actus quippe liber voluntatis, quoad ultimum quod dicit, esse debet quid vitale & intrinse-

*Volitio dis-  
na, non in  
genera enti-  
tatum illi  
infecta, id  
volitioni.*

V.

*Summa  
arguit in di-  
versa vola-  
tate perf.  
Eugenio, &  
liberatem  
adspici  
et intrin-  
cam.*

VI.

*Cum vol-  
to Dabu-  
ra sit causa  
rerum, &  
debet ibi  
causa.*

*Offensio  
volitionis  
Dei liberam  
esse causam  
rerum.*

*Offensio*